

Vestig jou oë op die ewige koninkryk van God! (Matteus 6:33)



Koninkrykstyding, die tyd ná Pinkster, herinner ons dat die opgestane Christus as Koning regeer en deur sy Woord en Gees sy kerk vergader, beskerm en uitbrei totdat Hy weer kom.

Daarom word ons nie geroep om deur bekommernisse beheer te word nie, maar om ons vertrouwe in ons hemelse Vader te stel wat weet wat ons nodig het.

God se koninkryk is sy heerskappy oor die hele skepping en geen mag kan dit bedreig nie.

Deur Jesus Christus se kruisdood, opstanding en hemelvaart het God sy koninkryk herstel, en deur die Heilige Gees word gelowiges onder Christus se heerskappy gevorm.

As burgers van hierdie koninkryk leef ons met nuwe prioriteite: ons soek eerste God se koninkryk, dien Hom in gehoorsaamheid en sien met hoop uit na die dag wanneer Christus sy koninkryk in volle heerlikheid openbaar.

